

西  
堂  
文  
集

西堂雜組一集 卷三

吳下尤 侗展成誤

一冊文 四首

戲冊莊女九錫文 并序

歲次鶉尾玄月旬有八日。爲莊女晬期。家人設香果祀大士三星。且以案頭諸玩供願弄具。命予筆爲祝。乃草此文獻之佛前曰。

蓋聞蔡氏文姬能傳幼婦之字。左家織素爰稱嬌女之詩。聞中進士堪爲不櫛之官。宮內先生嘗作修文之史。掌懷珠玉人言。生女不須悲口。贈琅玕我謂譽兒。豈有

癖惟汝聞莊

大士命名曰聞

現女人身持菩薩號生非瑤島敢

同坐上之仙種自藍田或比庭前之樹廣陵玉藥祇供

后土夫人含殿香雲應侍壽陽公主偶採齊風之句并

鏤羅郁之章是用名汝瓊華萼綠字焉念汝人是裙釵

物猶孩抱去杜蘭香浮江之日尚隔二年視徐賢妃解

語之時已餘八月恩邀我佛慶降汝身既賜一齡再加

九錫魏宮博士能讀丘墳唐禁秘書亦著論語願汝高

閣傳經小窗覽史芸籤縹帶流觀金石之編錦軸琅函

財誦玉臺之咏是用錫汝紺卷一帙崔姬滌面韻艷桃

花謝女歸蠶藻飛柳絮願汝字擬夫人詩誇學士輕綃

捧硯染越女之烏絲。洪度裁箋。擗衛姝之彤管。是用錫  
汝翠筆。一牀鸞箋。一幅睂子。一匣立香。一丸恒山神女。  
操拊落霞。雍館仙姬。聲吹飛鳳。願汝曲度六么。絃揮五  
弄。金觴玉屋。伴雙禮而彈璫。木葉洞庭。追湘靈之鼓瑟。  
是用錫汝雅琴。一張佐以簫管。瑤英肌骨。百蘊梅檀。合  
德髻鬟。九迴沉水。願汝衣洒薔薇。體塗迷迭。朱簾弄墨。  
頻添午夜之雲青。瑣臨粧。早結方牀之穗。是用錫汝名  
香。一奩芙蓉城裏。游戲芳卿。桃葉渡頭。徘徊子夜。願汝  
梅額榴裙。蘭心蕙口。葡萄滿篋。解吟妃子之花芍藥。巡  
欄愛。聞美人之草。是用錫汝秋花一佩。容華曉粧來疑。

向月樂昌晚合舞喜廻鸞願汝金錯聽聲銀華回影美  
蓉泰帶無慚徐淑之書璧玉裝臺不負溫嶠之約是用  
錫汝明鏡一圓鄰家桑木舊識金銀水上犢車新貽銀  
盃願汝首垂步搖臂繞跳脫石榴臺畔掛潘后之火環  
翠羽江邊拾苕妃之珠珎是用錫汝金釧一雙明璫一  
串若蘭織錦圖篆璫玳夜來製衣光縈霧縠願汝剪綵  
爲花擣素成賦鴛鴦譜繡細穿九孔銀針雲漢縫裳巧  
奪七襄杓袖是用錫汝牙尺剪刀各一滿湘六幅裙號  
留仙洛浦雙鈿襖名藕覆願汝裳裳集翠步步生蓮唾  
袖驚鷺衣聞自家之彩金泥簇蝶佩呈四合之祥是用

錫汝繡衣一襲。鳳鞋副焉。別有棗糕麻餅。雁稻鵲巢。胸  
掛如意之珠。盆植長生之草。室無銀錢。瓊瑤且爾。安貧  
席有玉斗。金鷄未能免俗。至若左干戈。右俎豆。豈所望  
于兒家。况非長塵尾。短牛車。寧致譏于相國。聊當三昧  
之戲。少開四座之歡。是日也。偶獲一婢。方生八年。適逢  
分果佳期。堪作簾錢小友。似赴蟠桃之會。因呼瑤草之  
名。敢告南極老人。請庇東方少女。冀令小特了了。更祈  
大運綿綿。才擬三劉德師五宋托身靈宿。務使百事聰  
明。稽首慈雲盡社。三生愁病。勿如汝父。藥煙敗絮。雞肋  
空罍。勿如汝母。裙布釵荆。牛衣欲泣。永言受福。不歎貽

履汝其珍重毋忽

戲冊不夜侯制

制詔春官尚書兼領水部事甘如薺

衛詩誰謂荼苦其甘如薺茶即茶也

宿傳榮葉特秀嘉材種出南方名馳北苑相其形質儼如圭璧之章加以品題卓有龍鳳之號本起草茅之內以瑞稱魁繼聞郡縣之中爰徵入貢薦之宗廟鬼神饗其馨香散之朝班公卿悅其臭味汝惟苦口朕實甘心用典喉舌之司遂任鼎鉉之職綠衣初試載賜一旗白絹斜封并持三印釋滯之才既奏滌煩之效斯彰掌春官則良楷均收治水部則淄澠不雜松風蕭肅氣類稽

生玉色。霏微香分荀。令疑捧金人之露。宛擎僊女之漿。允能激濁揚清。罔不浴膏飲德。向朕沉湎十日。誤耽長夜之歡。恭默三年。未寤傅巖之夢。爾則忠如藥石。無濡首之迷。和若鹽梅。有沃心之益。夫醒酒之石。李相猶珍。却睡之花。隋帝且愛。况爾風味迥異。尋常至乃鄴宮賦詩。竹林揮麈。雪水學士之宅。玉川先生之家。一座借以解圍。五車資其潤筆。能使茂陵病客。頓解沉疴。酒泉老羌一洗。故態第其標格。豈作酪奴。論其勲庸。寧爲草虎。此功在水壺先生之上。而名居青州從事之間者也。朕今從善如流。求賢若渴。楮生筆尉。並列公侯。果相蔬王。



咸頒冢社而嘉茲水德。未授土田。瓶之罄矣。朕有恥焉。可進封不夜侯。其以甘泉郡爲食邑。原官如故。嗚呼。山連巴峽。永固根枝。木帶長江。賜爲湯沐。爾欲召盟。則設邾莒之會。爾欲徵調。則剖玉女之符。庶其唇齒相依。毋若苞茅不貢。欽哉。

戲冊竹夫人制

后妃之德。昔美葛覃。嬪婦之容。近稱花蕊。雖菲葑其可采。况衾裯之不同。材以時彰。名因節著。咨爾竹氏。孤竹君之前裔。湘夫人之後身。秦女產于渭川。衛姬游于淇水。綠衣黃裏。宮中之教。早修翠葆。青鬃林下之風。未墜

體惟疎亮。用復玲瓏。過飛燕之身輕。比文君之脂滑。中空無物。豈周顗之居心。熱不因人。宛梁鴻之立操。稜稜匪席。轉轉如環。弱不勝衣。淡嫌汚粉。藏之寶帳。在飛鸞輕鳳之間。寵以椒房。出穠李昭華之上。朕臥治方勞汗。顏自愧歌。六月旱既太甚。賦三星夜如何。其常倚水山。久疎肉陣。是用納之清室。侍我匡牀。求之不得。悠哉反側之思。昏以爲期。聚兮枕衾之樂。三薰三沐。誠合德之香湯。一笑一顰。伴婕妤之純扇。摩訶池上。陪水殿之追遊。興慶塘前。並玉魚而進御。辟之草木。可比迎涼。况以宮娃。宜名來夢。兼之性絕。冶淫心無。妬嫉。鷄鳴同夢。不

沾雲雨之私魚貫專房莫礙鸞鸞之會股肱是託左右  
臧宜爰寘于懷常加諸膝今遣將作大匠羅織持節冊  
命爾爲涼國夫人嗚呼李氏傾城乃有夫人之號先家  
戰野始加涼郡之稱爾其夙夜在公修和有夏勉琢琅  
玕之質仰供帷幄之需勿替寒暄慰予寤寐

戲復立望帝冊

元鳳元年天王狩于岐陽遣大鴻臚下令威羽林中郎  
將陳寶至蜀復立望帝杜鵬爲鳥道王冊曰興滅國繼  
絕世古之道也武王封黃農之後周書美之紀侯大去  
其國春秋悼之咨爾杜鵬世有巴蜀爰承釐緒式廓鳬

疆克著令聞。曾無失德。鼈靈不道。尾大弄權。名爲受禪。  
實同篡竊。爾遂明夷垂翼。自竄深山。朝夕哀鳴。攀枝北  
向。倒懸求救。泣血思歸。黎人旄葛之歌。申子秦庭之哭。  
行路聞之。皆爲流涕。余一人可無鳩乎。夫玄鳥傳商神。  
雀紀漢禽。父建于鳧。繹毛仙祚于鷄。斯衡陽之地。以界  
梁鴻環丘之田。以分扁鵲眷爾哲胤。豈忍忽諸。雖然。爾  
以百雉。妄竊帝號。非制也。屬吾祖德衰。夜郎不知。漢大  
令予旣討逆。定其地。其去黃屋左纛。帝制錫爾赤羽。一  
白羽。一翠蓋。鸞旗。俾玉錦城。白鶴之山。維爾礪之。鸞。鴛。  
之水。維爾帶之。碧雞。金馬。爾則祠之。桃笙。竹酒。爾則貢。

之余又使益州牧桐花鳳健爲太守秦結了左右夾輔  
爲爾羽翼無滋他族實偏處此嗚呼蜀道方難蜚鴻滿  
野周京旣盛振鷺來庭詩不云乎言旋言歸復我邦族  
爾尚勗哉

檄二首

討蚤檄

夫虎豹在山虞人張網豺狼當道豸客埋輪誠惡率獸  
而食人豈容寢皮而剗肉未聞牙爪橫行肘腋之間遂  
見干戈變起衣裳之內有如蚤者賦形么麼稟性跳梁  
憑寸喙以毛求據四肢而血食無小無大恃鑽刺爲生

漚。倏。去。倏。來。借。彌。縫。爲。逋。藪。十。圍。革。帶。幾。遍。周。流。七。尺。  
氷。肌。徒。供。醉。飽。芒。刺。在。背。常。捉。原。憲。之。衿。剝。牀。以。膚。不。  
煖。仲。尼。之。席。加。以。蜂。生。翠。帳。燕。啄。鸞。裙。翻。被。底。之。鴛。鴦。  
驚。枕。中。之。蝴。蝶。偷。香。竊。玉。西。子。以。之。顰。眉。倒。衣。顛。裳。曹。  
綱。因。而。挿。手。痛。矣。針。心。之。女。儼。然。入。幕。之。賓。嗚。呼。虞。集。  
誅。蚊。之。賦。義。著。旌。旗。張。詠。罵。蠅。之。文。聲。嚴。金。鼓。然。夏。飛。  
而。冬。伏。或。暮。往。而。朝。來。搖。扇。能。驅。下。帷。卽。蔽。獨。爾。四。時。  
皆。備。五。體。相。投。雖。揮。塵。而。不。知。豈。拔。劒。之。可。逐。石。尉。千。  
層。之。障。已。入。三。分。董。威。百。結。之。裘。遂。穿。七。札。乃。至。族。出。  
蟻。臣。行。殊。佛。子。藏。龍。圖。之。衲。偏。逃。景。畧。之。捫。游。步。兵。之。

禪巧避紀昌之射。韓昭侯大索十日。終爲漏網之魚。士蔚小賦一篇。未盡穿天之蠹。攷其名號。僅存抱朴之書。幻作妖祥。解讀阿房之賦。此三百六十種之蟲。不齒其類。而二百四十年之史。未討其辜者也。方今堯舜垂裳。義皇高枕。螳軍搏擊。蛛相經綸。豈容臥榻之旁。他人鼾睡。况棄膏腴之地。小醜并吞。爰整甲兵。用推牙將。分掠股肱之郡。合糾唇齒之邦。運籌帷幄之中。過師枕席之上。握拳透爪。麻姑奮其先登。嚙齒穿齧。樊素司其後勁。淮陰水戰。一勺橫尸。諸葛火攻。半篝流血。蠻爭觸鬪。難逃魚麗之軍。鼠竊狗偷。悉伏夷塲之法。不待鵠鷖之

捕務同螻蟻之擒毋貽噬臍早圖革面

鬪鷄檄

夫內蛇外蛇必有一傷上駟下駟因之再勝物雖同類  
材實異能維茲五德之禽克備三曾之武安嘗栖桀亂  
或登天昧旦明星每依琴瑟淒風晦雨爰及干戈曾投  
憤于吳宮亦超距于魏道鮑昭舞鶴未喻翩跹張說鬪  
羊豈方躑躅顧越丹蜀碧賦形既殊晉火唐金角力自  
別不驅烏合孰辨鷹揚是令紀子治戎賈昌整旅選淮  
南之精銳募函谷之英雄或出桃源或來茅店連兵鄠  
杜蠻校尉之先聲飲馬羊溝鬚將軍之後勁兜鍪如火



並我子路之冠。韎韐有花。皆寡季孫之甲。縱橫八陣。如  
爭江峽。魚龍踴躍。三軍不亂。蔡州驚鴨。一飲一啄。買勇  
而前。載飛載鳴。乘虛以入。彼方瞋目。此尚衝冠。碎元首  
而不辭。拔一毛其何惜。足使乘軒衛鶴。聞此寒心。走馬  
胡鵬。見之吐氣。祖士雅更爲起舞。宋處宗增其美談。務  
尊虎頭。毋羞牛後。勝當籌唱。遂成豎子之名。敗卽鼎烹。  
亟正丈人之律。借爾穴中之鬪。資予壁上的觀。

移文一首

西山移文

首陽山靈。布告同盟。昔伯夷叔齊。恥食周粟。氣塞孟津。

風鳴孤竹。開義士之先聲。建名山之高躅。未可依樣以效顰。豈容借題而翻局。若夫晉陶潛。漢龔勝。宋謝翱。唐梁震。遭時乃革。潔身行遯。固二子之及門。可千載而同論。至于巢父而後。睂公而前。煙霞接踵。林谷駢肩。乃有羣空冀北。徑捷終南。周顒鳴騶之日。常秩騎馬之年。身江湖而心魏闕。朝鶴氅而暮貂蟬。然不過舍遂初之賦。尋招隱之篇。猶且嘲小草于安石。輸一着于師川。寧有忠佞回心。笑啼易面。黑白平分。炎涼各半。陶嬰與夏姬。一身袁粲。與褚淵同傳。彼哉斯人。不可歎與。當其羽檄晨馳。鐵騎夜渡。微服潛行。挈家疾去。棄青衫其如遺。乞

黃冠而歸故誓髮膚之不傷哉鬚髯而餘怒高角巾之  
巍峩飄長袖之軒翥姓氏已更卜醫別寓多混跡于頭  
陀常寄生于農圃家封介子之山人祭田橫之墓罵馮  
道爲老奴嗤許衡爲窮措叱咤則正氣再歌唏噓則黍  
離重賦篋藏久久之交空書咄咄之句斗酒相勞離騷  
自注卜鄰則龍比同居求友則隨光相遇蓬頭歷齒居  
於王霸之兒椎髻布裙宛若梁鴻之嫗亡何烽煙少息  
鄉井多歸子啼麥飯妻泣牛衣漸過城市試謁官司只  
雖言而根柢足將進而遲遲謀食先生之饑咏懷高士  
之詩掛空名于養疾托深意于觀時既而賢書屢登公

車連上東家之車馬方闕西舍之旌旗增壯羨貂裘之  
貴裝喜雀翹之新樣悔一慚之不忍歎五悲其如喪戀  
鷄肋之可惜賀龍門之無恙于是搜禿筆理殘書模糊  
鄒魯影響程朱啍唔夫且塗抹哉乎就文宗而求誠旅  
諸生以前趨拜巢由于馬首坐園綺于場圃還青氈之  
故物復黃輦之老儒遂乃裂荷衣焚竹屐着烏鞢戴紅  
笠招搖庠序之中匍匐公卿之側長祈夢于京華永告  
辭于泉石昔有千家今無十室鷄犬稀鳴桑麻斷跡轉  
徙推兮委泥沙潯陽琴兮懸空壁道人法兮木客吟居  
士歸兮山鬼泣使我碧嶂包羞丹崖受侮綠竹汗顏青

松塞語變駒谷爲狐庭汗鶴帳爲鵲宇許由之瓢以盛  
魚肉嚴陵之竿以釣圭組太史之簡以頌昇平司農之  
笏以朝新主左顧箕山右瞻伊子莫不起而弔予曰夷  
與齊與與汝居者斯人之徒與嗚呼逸民既往空山無  
託誰覩面目遂欺丘貉且夷齊之侶不過兄弟爾輩所  
至呼朋引類來如牛馬去如鬼魅夷齊之歌不過數言  
爾輩所作累牘連篇蠅唱蚶和傳寫田園夷齊之食不  
過薇蕨爾輩所吞酒肴饕餮既醉既飽驕人清節此東  
陵之盜魁耶豈西山之俊物哉今有七松處士五柳先  
生漁樵長老耕鑿無營懲前車之足戒信藉臭之宜分

倘有久投塵網暫步巖廊戎衣登嶺儒服歸林或有外  
談高尚中熱浮名子牙垂綸買臣負薪皆俗物之敗意  
亦豎子之欺人急懸逐客之令并勒絕交之文于是黃  
鶴騰煙玄豹起霧清風掃門白雲封戶枝連蜷而難攀  
溪潺湲而不渡回首陽以問津如武陵之迷路

時有詩云西山薇蕨喫精光一陣夷齊下首陽相傳  
絕倒社中因擬此題予走筆成之未免罪言不過謔  
史豈如鄭五歇後痛比劉四罵人

自識

彈文

一首

花神彈封姨文

惜春御史管領錦宮城事臣女彝稽首言臣崛起蓬蒿  
叨沾雨露紆青拖紫佩玉懷金下帷天子之宮待詔后  
妃之苑未央殿內坦腹三眠太液池邊回頭一笑恩承  
累葉澤及同根宜辭匪種之鋤豈受當門之伐今有吼  
天氏封姨者性成少女天糾兇比將軍跋扈蘭臺朱子  
曾笑爲雌洪水莊姜亦譏曰暴夫人林下吹柳絮以紛  
飛宮女歌中翻木葉而盡落高臺送遠縹飛燕之榴裙  
曉夢催粧驚壽陽之梅額至于臣居東土遙隔馬牛胡  
爲彼號南薰役使草木朝雲暮雨年誇十八風流葬玉  
埋香心妒三千粉黛借一百五日之勢播二十四番之

威畫吟驚鵲之鈴。夜擊移春之檻。飄搖玉葉。雕琢金枝。  
四香閣粉線摧殘一捻紅脂。痕零落侵玉奴之步。蓮睡  
難成。舞小蠻之腰。柳眠不熟。貴妃姊妹。九迴斷腸。杜鵑  
君臣兩行。啼血河陽一縣。俱成席捲之場。金谷滿園。並  
屬披靡之地。東風緩。西風急。胭脂國沼作空桑。南枝煖。  
北枝寒。芙蓉城墟爲烏有。若清友若雅友若名友若艷  
友。九族同夷。不恤芝蘭舊譜。如仙客如野客如近客如  
遠客。一網打盡。誰思桃李公門。楊家子陶家子李家子。  
婆娑顛顚。悵委地之翠鈿。烏衣郎綠衣郎金衣郎。格磔  
呢喃。悼成煙之紫玉。試問東宮學士。何處鋪裊却教西



苑佳人徒勞剪綵。妻妻枯樹空生。司馬之憐小小春風。  
合受羅裳之罵。臣蓬因麻直。李代桃僵。紅顏薄命可勝。  
綠珠之悲。赤芾傳家。竊痛青衣之辱。石尤寒膽難求。  
三。月之幡。舶舩飛。竟欲變三山之草。敢操木筆略訴葵心。  
恨視人如草芥。毒甚批根。念言事非風聞。語殊捉影。伏。  
乞詢于芻蕘。採其葑菲。戮飛廉于北海。逐爰居于東門。  
務遵五日之條。勿犯三春之令。庶使薔薇含笑。青棠合。  
歡。霜菊延年。露桃銷恨。梔子綰同心之帶。丁香解百結。  
之釵。木槿欣荷千朝榮。金錢息歎于夜落。則濯枝等惠。  
結草銜恩。敬伏青蒲。不勝躑躅。

文 四首

乞巧文 并序

予讀柳州乞巧文。僂僂半夜。失望而歸。輒爲絕倒。豈非  
抱拙終身。正在吾輩耶。抑天孫送巧。偏賜女郎也。乃命  
家人。以酒脯瓜果。設席上。而予爲之辭。雖然。予文先拙。  
安望巧來。尚賴天孫。以七襄之手。潤色之。爰拜手稽首。  
以告曰。

白帝之辰。黃姑之星。節逢羅綺。河及秋明。龍梭夜織。鸞  
錦朝成。鵲橋初駕。鳳輦微巡。宛深閨之下。妾私淺步于  
中庭。曝繡裳之煒燁。散香粉之芳芬。握五色之綵線。穿

九孔之銀針。託青衣以傳語。封素札而陳情。若夫遠山含青。天水映碧。顰顰參紅。螭螭耀白。鴛翠面眉。鶯黃塗額。鞋踏鳳頭。髮梳蟬翼。衫染猩猩。釵裝瑟瑟。環掛火齊。璫垂琥珀。金訶半掩。玉搔斜側。暈紅香子。一稔點丹輝。于雙的楊柳之舞。三眠梅花之粧。五出斯容。華之巧媚。願付妾以嬌質。爾乃齊紈似雪。楚練如霓。光縈雀羽。縷裊蜘蛛絲。金刀綽約。玉筍參差。繡成鳳舞。裁就鸞飛。結綺陳閣。剪綵隋枝。泉客鮫綃。蘇蕙璇璣。濯錦文君。搗素班姬。紅紫夫人之障。玄黃公子之衣。侯媛進迴文之圖。玉融成雜組之詩。斯鍼紉之巧。善願惠妾以妍思。至如湘

妃寶瑟秦女鳳管綠珠鐵笛朝雲檀板拈明君之嘈嘈  
彈麗玉之坎坎飛瓊之吹步虛妙容之歌宛轉麗娟唱  
兮梧桐寒樊素謠兮櫻桃暖雲容席上淨苑掌中水搖  
楊柳煙裊芙蓉鳥夜啼兮飛燕春鶯轉兮驚鴻傳紫塵  
于燕國習霓羽于唐宮斯歌舞之巧麗願賜妾以神工  
別有翡翠筆床鴛鴦硯匣彤管簪花香奩鏤雪新劈校  
書之箋舊倣夫人之帖咏林下之柳絮寫庭前之桐葉  
遙佳期于三五定良媒于二八甄既博士班亦大家曾  
銘秋菊解頌椒花賦四時之白紵譜十索于紅牙鑿墨  
池兮青鸞鏡開翰苑兮綠窗紗斯文章之巧慧願賜妾

以芳華惟四美之難兼冀雙星之並錫名列美人之傳  
工奪針神之席歌記娘子之珠碑題幼婦之筆東家窺  
玉之牆西子浣紗之石檀樂府于北方領煙花于南國  
庶承惠于粧樓永拜恩于織室聊延佇兮極天用盤桓  
以終夕

自祝文

并序

四月二十四日予生日也家人買一瓣香雜以蔬果爲  
祀星官予乃作小文再拜神前而告之告罷遂酌酒以  
自勸

噫嘻爾今春秋二十有三視溫子昇之射策已多一載

去鄧仲華之卦侯僅少一年。既不應賦樓人召而上天。  
又不就修文郎職而下泉。曷不從赤松子遊而登山復。  
不隨青蓮公去而入淵。胡爲乎仙不仙。凡不凡。隱不隱。  
官不官。具七尺之軀。游戲于六合之間。爲造化小兒所。  
顛倒。閭羅老子所拘攣。居無十尺舍。郭無半頃田。倉無。  
五斗米。囊無四銖錢。惟有書一卷。琴七絃。裘百結。食一。  
簞。帶子夏之小冠。衣袁充之葛衫。餐坡公之白飯。坐王。  
子之青氍毹。五字能吟。人謂我詩瘦。一斗亦醉。人謂我酒。  
顛。有退之之窮。而無其學。有子雲之貧。而無其玄。有嗣。  
宗之狂。而無廣武歎。有叔夜之懶。而無廣陵彈。有平子。

之愁而無兩都之賦。有長卿之病而無大入之篇。當今  
大江以北。大河以南。健兒驕流人橫。而爾不能爲之安。  
野老哀織婦怨。而爾不能爲之憐。東家金谷宅。西家玉  
津園。人皆歎息。榮華樂爾。獨悲歌行路難。鼎食萬家。誰  
念玉孫之餓。貂蟬滿座。不知范叔之寒。徒見春草暮。今  
秋風慘。夏日長。今冬夜遠。莫不悵歲華于移柳。搖意氣  
于枯蘭。使天下之人。不指爲白面之掎大。則笑爲黃齏  
之細酸。吾不知我生之初。日宿南斗乎。抑相君之面。窮  
不可言。嗟乎。苟人生而若此。吾何慕乎百年。

昭陽大荒落之歲六月十有三日敬裝 觀音大士像  
成。廼延苾芻設香花諸供。贊歎作禮。命懺悔一切罪業。  
某稽首曰。弟子生平不作罪業。而受諸惡報。惟愁心種。  
種未能除耳。然繇此一念。卽是罪業根苗。願仗佛力。開  
解此結。于是手疏此文。再拜而告。

蓋聞四大本幻。卽幻成緣。緣爲離幻之支。五蘊皆空。因  
空生覺。覺是礙空之障。傳燈無火。况抱火而燃。明鏡非  
臺。豈臨臺而照。照窮鏡掩。塵蝕臺銷。然盡燈殘。光隨火  
熄。身迷六入。顛倒于眼耳鼻舌意之中。欲起四流。輾轉  
于生老病死苦之內。七情相倚。情在樂而羅憂。五慾交



攻愁乘歡而助怨。歡來怨去。且問何去。何來。樂滅憂生。  
孰若不生。不滅。伏念弟子。界處三千。猶作有情眷屬。年  
踰二十。未証無上菩提。此日形骸。不異蜂穿窗紙。本來  
面目。幾時牛臥滄山。寄身材。不材之間。造想意。無意之  
際。日親圖史。已犯淫書。間賦詩歌。未忘綺語。平分風月。  
難斷貪心。獨對鶯花。疑耽癡癖。若乃五戒之外。別墮愁  
魔。遂于三業之餘。嘗遭病劫。入江淹之室。百恨填膺。登  
王粲之樓。七哀觸目。青衿時晚。同盧子之五悲。白眼途  
窮。擬阮生之一哭。以至春風桃李。秋雨梧桐。夏簟朝涼。  
冬釭夜靜。怨東郊之飛蝶。嘆北塞之離鴻。啼南陌之鶯。

鴈泣西堂之蟋蟀。半牀孤悶斷腸。落葉殘花千里相思。  
極目暮雲春樹。筆筒硯匣。合築愁城。藥盞茶鐺。並供愁  
更。塵根未破。全繇愚鈍。而然情種難除。或爲聰明所誤。  
弘惟我佛門。開息欲衣。掛離塵坐。寂滅道場。現歡喜色。  
相六觀了了我。亦作如是觀。五覺紛紛。我願同菩薩覺。  
洒楊柳之水。解脫因緣。散蓮座之花。抖擻煩惱。八正是  
式。并謝思惟六度。旣弘兼屏知慧。錫神珠而如意。日月  
皆還。借鼻孔以安心。風旛不動。身同泡影。知喜怒哀非。  
眞世似須彌。悟幽憂之自隘。三生如夢。不須動說傷心。  
萬法總空。何處可尋恨事。試看珊瑚瓔珞。莫問芳草奇。

花但聽晨鷄暮鐘作麼曉風殘月自後生生世世勿作  
有情之物而今莫莫休休永爲無事之人這是上輩家  
風便得西來大意伏祈佛說陀羅尼法三十七道化此  
衆生心當願人奉阿毘曇經千萬億口念彼觀音力

廣寒宮玉樓上梁文

并序

朝鮮女郎許景樊八歲作此題惜未見其文戲筆補之  
伏以高樓十二五雲繚繞捲珠簾曲戶三千七寶團樂  
修玉斧借天地山河而作柱按星杓雲漢以鳩工已成  
天上瑤宮不羨人間金屋竊惟五城九闕木公開紫虛  
之殿十洲三島金母居光碧之堂烏鵲橋邊構天孫之

織室白華闕下築玉女之瑤臺大則拓三都兩都之規  
小亦擅五步十步之勝然而阿香電母不峙列缺之亭  
少女封姨莫築飛廉之觀賜谷昧谷東隅乏三徑之園  
天柱天梁南極無百堵之室豈上古猶多野處乃仙人  
嘗好樓居何如飄渺之鄉別有清虛之府蓋自筮占歸  
妹竊藥西行旣而曲怨嫫娥嗣英東出冰輪夕駕九道  
載馳素女朝來六宮未設用擇金水之地爰興土木之  
功營室方中夕陽是度廣庭殖殖容息望舒之車伐木  
丁丁利執吳剛之斧風簷削素雲棟塗丹六斗雕欄三  
堦列砌八窗結綠人望如茶四壁懸藜我靜如鏡疑游

南海光奪水晶之宮。似出西夷色。射琉璃之殿。眺蟾臺。  
上玳瑁簾垂。景娥池中。珊瑚檻動。乘風歸去。人言高處。  
不勝寒。近水移來。佛說空中。嘗有影。試駕銀橋。杖下還。  
擎玉宇。掌中雖真仙。遊此自當迷。使老子登時興不淺。  
揚州歌吹。笑人爭上十三湖海。飄零愧我空眠百尺木。  
非題柱。莫成行樂之詞。聲學繞梁。漫和步虛之唱。

東夜光照破天河空。萬頃琉璃寒徹骨。玉人疑立。  
玉山中。

南、一鈎斜捲夜明簾。笑駕白鸞歌舞罷。鏡臺画出。  
小眉尖。

西碧天夜冷寒蟾啼。深院素娥閒。闌草玉錢輪盡，  
撒金堤。

北清露晨流桂花濕。倚欄一曲紫雲迴。二十四橋，  
秋瑟瑟。

上三五二八遙相望。長門夜靜不垂簾。嬋娟遊戲，  
芙蓉帳。

下玉宮盡覆鴛鴦瓦。他年重造合歡宮。免教嫦娥，  
歎早寡。

伏願上梁之後。不爲風雨飄搖。莫使微雲點綴。笙簫露  
冷。時聞桂子香來。環珮風清。共看霓裳舞散。杵邊白兔。

不煩三窟之營。樹下青蛙能奏兩部之樂。清光些子。周  
一千二百里之中。蛟鼉哉生。照三萬六千年之外。請呼  
長吉作玉樓記。鬼才成幼婦之詞。并召文姬寫玉樓碑  
書仙製夫人之字。起斟天酒。坐聽神絃。留此美談。稱爲  
善禱。

祭文

四首

祭詩文

并序

賈閬仙除夕設酒脯祭詩曰。勞我精神。以此補之。予做  
此意。綴以小文。

維年月日時。尤子以梨花一盃。梅花一盞。祭于詩神而

告之曰。嗚呼詩哉。胡爲乎來。子來何年。曉星暮天。子來何所。錦城玉府。子來何職。花侯酒伯。子來何從。楮生筆公。修日朗月。與子贈荅。暗風細雨。與子爾汝。碧水青山。與子往還。繩牀茅屋。與子信宿。三春桃李。能令子喜。九秋霜露。能令子怒。古寺荒臺。惟子之哀。歌堂舞閣。惟子之樂。忽焉而豪。天風海濤。忽焉而靜。殘鐘斷磬。忽焉而莊。清廟明堂。忽焉而艷。珠簾寶鈿。或變爲形。踏歌画屏。或變爲影。低窺藻井。或變爲覓倩女。依人或變爲夢秦宮。泣鳳或變爲聲鐵笛。銀箏或變爲淚綃。紅竹翠或化美人。顰笑睂顰或化山鬼。衣蘿帶蘿或化日月。兔烏出。



沒或化雷雨。鼉龍鼓舞。或化山河。危壁文波。或化草木。  
畹蘭叢菊。或化杜鵑啼血。三年。或化燕子。寄情千里。與  
我周旋。七步而三。共子晨夕。一斗而百。謂是我工。奚爲  
我窮。曾不我益。而反我厄。胡然而愁。杜甫悲秋。胡然而  
病。崔浩苦吟。郊乎何寒。耕水斫山。島乎何瘦。含藜茹糗。  
長吉尋題。知者小奚。香山覓句。解者老嫗。而我悠悠。朝  
吟暮謳。落睂嘔血。人斬其舌。不如歸去。速營丘墓。焚我  
錦囊。剝我翠牀。沉我唐瓢。剪我江毫。送子東郭。青松索  
索。送子西郊。白楊蕭蕭。送子南陌。燐火吹碧。送子北邙。  
野草萎黃。汲冢之後。立冢之右。筆冢之前。文冢之間。是

日詩墳削竹爲門硯田爲島墨池爲沼文苑爲壇書廚  
爲棺樹以桐葉銘以石碣殉以蠹魚烏有子虛不日不  
月青廷崩裂鴉哭狐嗥古字蕭條後有作者徘徊其下  
因感斯文而弔斯人沒與存與吾何論與今夕何夕寒  
燈永訣梨酒梅茶持贈天涯明年此日清明寒食江北  
江南爲子招魂嗚呼詩哉

告陸靈長文

仲秋二旬予病臥荒廬客有南中歸者以陸子訃音告  
初聞驚怛未敢信也越二日病少間遽走詢之則櫬達  
墓門矣一慟而返又三日與湯卿謀哭之其室擬抽管

醵詞淚涔涔下投筆而止延至明月乃敘一言以告吾友曰嗚呼痛哉天乎人乎君而死耶死常也未有如君之德而才才而貧賤貧賤而僅三十六年二十六年而僅六日之疾以歿歿而又離家五百里之外煩冤畢具慘毒交并天地爲君鬱結山川爲君蕭條日月爲君朝昏風雨爲君夜哭嗚呼痛哉君有不宜死者五而死耶君有不可死者五而死耶君天性孝友事二人則懷橘承歡撫諸弟則分梨推愛宗族鄉黨皆無間言夫采蘭之歌吹簫之樂何人蔑有豈斑衣淚落先彫孝子之年荆樹花枯忽奪難兄之算君之不宜死者一也君情誼

敦篤如對古人德量溫恭不愧長者當世狡獪少年紛  
然輕薄君獨率真無競喜愠兩忘曾何殺戮同李廣之  
數奇寧有陰謀使陳平之絕後君之不宜死者二也君  
學則青藜老人才則黃絹幼婦以爲春宮簪筆名山著  
書他日事耳夫曳白之子半盜冠裳沒字之碑亦覩面  
目豈才如司馬不容作賦人間年止隴西必欲修文天  
上君之不宜死者三也或謂富貴之家狂藥腐腸色斤  
伐性膏火自煎宜其燼矣君雖生世族儉若單門陶處  
士之簞瓢短褐室有餘閒韋刺史之掃地焚香居無外  
物其不宜死者四矣若云貧賤之士憂能傷人則不承

年君風流秀出烏衣子弟之姿顧盼駿雄湖海元龍之  
氣本非黃蘗色象寧爲白骨生涯至于茅山大慟不聞  
葬長史于愁城鹿車一壺未便埋叅軍于酒冢雖有達  
語豈同識言其不宜死者五矣且君不見扶柩而歸者  
父耶倚閭而望者母耶慈闈多病君在羈旅日禱神祠  
迨君瞑目時猶起持阿翁戀戀不忍去悲哉白雲一片  
向也思親舍而奮飛萱草滿庭今也盼征人而不見總  
帷燈滅疑聞愛子之啼紙帳宵寒空泣老人之血試問  
北堂衰髻誰侍湯藥于牀前西河痛心誰省晨昏于膝  
下則君之不可死者一君與處實出則花萼相輝入則

風雨共對吾黨號爲連璧而今鵲鴿詩廢棠棣埤殤影  
孤白鴈唳此日之秋風骨掩青山傷他年之夜雨疇昔  
之夕君嘗爲處實夢矣江流夜月離魂處鬼泣啾啾不  
美聽其視池塘生春草之吟蟋蟀悲秋菊之句竟何如  
耶則君之不可死者二君之寡嫂正在芳年君之嬌女  
猶然懷抱一旦鏡怨分鸞琴悲別鶴鵲飛江浦不緘寄  
婦之詩燕築荒墳欲化望夫之石生離一月死別千年  
君尚望歸家相見無恙耶

陸子京中問籤有東閣重開  
延故客之語因自註云尚能

歸家相見  
無恙也

聞君計音未至呱呱弱息在襁褓中哀啼不

止舉家駭異豈情之所鍾鳧鳧猶應戀此悲哉粧臺虛

冷難問画眉之人書卷飄零孰繼草玄之業則君之不  
可死者三今年春君哭徐子卿鄂矣卿鄂有母君則養  
之卿鄂有子君則撫之君有羊舌下泣之仁邱成分宅  
之德奈何兩事未成一身遽殉白頭如訴黃口誰依使  
君遇徐子于九原能無相向而哭耶朱暉已逝豈徒許  
知己于生前趙武方孤寧遂報主人于地下則君之不  
可死者四君之與吾輩交也義爲友生情猶兄弟文章  
高于鄴下意氣盛于龍門謂良朋之樂在是矣孰意樂  
極悲來雲流雨散生死路異永從此辭憶予識君于丙  
子冬迄今七載耳此七載之中修日朗月與君同遊暗

風細雨與君同處高巖遠壑與君同尋芳草幽花與君  
同賞筆牀硯匣與君同吟茶鑪酒罇與君同酌自幸年  
甚富居甚近朝訪夕招堪供耐久君嘗戲言吾與子總  
角交歡他日皤然一公未知誰先誌墓者嗚呼豈知君  
髮未白中道棄予去也方予江上歸君再過半舫語予  
曰吾將擊楫渡江待君子石頭城予甚壯之既並別予  
抱疾文園喟然謂吾輩不遇何足言俟君歸當攜千日  
之酒駕一葉之舟攀南山之桂摘東籬之菊嘲風弄月  
勾當三秋公事且有秋夢一編爲君朗吟之嗚呼又豈  
知半舫握手時已爲永訣而秋夢一編以輓歌終也廣



陵絕矣日照稽琴山河邈然風吹鄰笛痛君獨行踽踽  
誰伴泉臺傷我四顧茫茫空懸遺榻則君之不可死者  
五嗚呼君以不宜死而死非天道之不可知乎君以不  
可死而死非人事之無可奈何乎天乎人乎予惡能知  
之乎雖然吾知之矣古來慧業文人都自天真游戲塵  
世如鄴侯爲瑤臺散仙白傳爲海山院主東坡爲五戒  
禪師山谷爲香巖女子君夙根明淨了徹真如易簪之  
夕神氣朗然旣逝經宿胸臆溫 and 鼻柱下注考之禪門  
是在分段生死之中必歸衆香來去之處不爲碧落侍  
郎則爲蓬萊水伯曼卿年少仍主芙蓉之城子建才高

應王遮須之國安知君不以二十六年見身說法夢幻  
泡影警醒吾輩耶嗚呼靈長西來大意易之而已予復  
何悲雖然此以無可奈何之心爲不可知之說耳天上  
瑤京茫茫難問土中玉樹鬱鬱長埋未免有情予何能  
已于悲耶嗚呼靈長君而死耶其來也孰寄耶其去也  
孰歸耶其乘白雲馭紫霞而遨遊于三山十洲耶其驂  
黃鶴駕青蜺而逍遙于五城十二樓耶其抗流蘇之旌  
建珊瑚之節而登西方耶其開青松之門築白楊之宅  
而居北邙耶不然則爲星爲日爲風爲霆留正氣于天  
地間耶不然則爲山爲河爲木爲石示變化于人寰耶

不然則散爲魍魎游戲于清風明月之下耶不然則聚爲骨肉再生長者之家耶是耶非耶予又烏能知之耶嗚呼痛哉

哭湯卿謀文

崇禎十七年三月十九日賊陷京師皇帝崩越兩月哀詔下吾友湯子卿謀哭臨三日歸而病以六月六日酉時卒其明日伺聞訃往哭之是夜嫂丁夫人在病中一慟而亡伺又往哭之歸而病病幾死至晦日少間又往哭之以一尊酒奠焉時伺肝腸斷絕不能成聲至七月二十六日又隨同社諸子往奠哭之則七七之期盡矣

嗚呼慟哉。乃勉滴淚和墨。敘一言以告吾友曰。哀哉卿。謀痛哉。卿謀天下大矣。使斯人死。卿謀不可死也。侗嘗與吾黨屈指而論。誰爲孝于親。友于弟。宗黨稱其敬。朋友稱其信。兒童僕妾稱其愛者。曰唯卿。謀誰爲溫如玉。淡如菊。美如香草。靜如秋水。寒山雖不言。而四時氣備者。曰唯卿。謀誰爲學五車。才一石。筆驚風雨。詩泣鬼神。翩然獨秀。江東者。曰唯卿。謀則又屈指而論。誰爲金門獻賦。石渠較書。作紫衫郎。黑頭公者。曰唯卿。謀誰爲結社香山。寫圖洛下。從赤松子。黃石公者。曰唯卿。謀。卿謀不可死也。而竟死。嗚呼慟哉。雖然。今日何日。天崩矣。地

圻矣。以先皇帝之聖明而死。社稷矣。以先皇后之賢仁而死。宮闈矣。普天之下。率土之濱。誰與不可死者。卽伺之覲顏以生。默有餘愧焉。昔人有言。今日猶得死于朱土。卿謀之死也。幸也。夫人之從卿謀以死也。尤幸也。卿謀可以死矣。而伺獨謂不可死者。蓋以義當殉難。則寧爲袁粲死。不作褚淵生。志在復仇。則寧爲程嬰生。不作杵臼死。使卿謀而爲中朝侍臣。則必爲當山舌。爲司農笏。爲侍中血。而奈何偃蹇牀簀以死。今卿謀而爲江左書生。則將爲鄧禹策。爲陶侃甕。爲祖逖楫。而又奈何偃蹇牀簀以死。夫使卿謀之偃蹇牀簀以死。則天也。嗟乎。

天欲使爲善者死耶。則惡不可爲。苟欲使爲惡者死耶。則卿謀不爲惡。天欲使多才者死耶。則愚不可爲。苟欲使無才者死耶。則卿謀未嘗愚。而奈何。以卿謀之孝而死。卿謀之友而死。卿謀之敬信愛而死。溫且美而死。淡且靜而死。才與學而死。彼天而不可問斯已矣。天而可問。則卿謀終不可死也。而竟死。嗚呼。慟哉。侗自丙子秋。與卿謀定交。于今九年矣。其間車馬往來。多一時名士。而生友死友。惟卿謀一人。侗平生冷淡。不求人知。人亦無知者。獨以卿謀爲鮑子知我。而卿謀亦云。張籍祭韓愈詩云。公時爲時帥。我亦有微聲。而後之學者。或號爲

韓張而外人于我兩人亦云。伺土木形骸。平子之落落。莫莫。伯倫之悠悠。忽忽。喜怒皆忘。言笑若喪。而卿謀不以爲愚。伺胸中硯礪。不合時宜。酒後耳熱。拔劍起舞。青衣罵坐。白眼看人。而卿謀不以爲狂。伺賦性善愁。曉風殘月。落葉哀蟬。蝴蝶枕中。杜鵑枝上。三年夢覺。一往情深。而卿謀不以爲癡。伺窮而工詩。薰爐藥椀。一卷自攜。牆壁戶庭。十年都著。而卿謀不以爲拙。海內知己。如此幾人。至于伺少年意氣。未免元龍湖海。卿謀坐我于光風霽月。如見叔度。而鄙客自消。伺平日常文章。本無張說江山。卿謀贈我以錦繡芙蓉。如夢惠連。而詩思頓進。三

益之友。舍子誰歸。一字之師。愛我獨至。以至詩筒贈答。  
暮雲春樹之吟。尺素往還。江曲涼州之夢。稽康千里之  
駕。近在東西。范式三年之期。密于晨夕。此九年以來。嘗  
如一日者也。而今已矣。生死異路。從此辭矣。我將弔卿  
謀于文壇。而歎下才亡。青簡斷矣。我將弔卿謀于詩苑。  
而隴西客去。錦囊灰矣。我將弔卿謀于酒樽。而黃公醺  
在。山河邈矣。我將弔卿謀于歌舞。而周郎顧杳。奈何喚  
矣。我將弔卿謀于山巔水涯。而阮屐長埋。碑墜淚矣。我  
將弔卿謀于藥欄花砌。而陶徑就荒。草斷腸矣。秋風七  
月。木落江南。長笛一聲。殘星數點。吳江葉葉之楓。汾水



年年之鴈山川滿目有淚沾衣能不悲哉嗚呼日月幾何侗之交卿謀者九年而別卿謀思卿謀哀痛卿謀者千秋萬歲無窮期矣則侗何不幸而止九年之交使長似此九年且與卿謀白首同歸作耐久朋則所以哭其死者未必傷心慘目至此極也然侗猶幸而有九年之交使不及此九年未與卿謀同與接茵盡莫逆之歡則所以哭其死者不知遺恨更何如也然侗又不幸而多九年之交使并無此九年僅與卿謀聞聲相思非金蘭之契則所以哭其死者不至斷腸泣血無已時也回思九年之前侗與卿謀總角好爾謂百年以分可長共相

保何意九年之後。侗尚無恙。而卿謀已入鬼錄。曹子桓云。旣痛逝者。行自念也。則九年之後。更復九年。侗之身。且不知若何矣。人生非金石。豈得長壽考。卿謀可死。又誰與不可死者。此九年之後。侗幸而遇。則或死于朝廷。或死于疆場。或死于城圍。或死于道路。而方以死爲榮。不幸而不遇。則必擯放流離于深山窮谷。以死而又以速死爲樂。况侗與卿謀學道有年。知生寄也。死歸也。附贅懸疣之說。夢幻泡影之言。備聞之矣。生何足喜。死何足悲。獨是卿謀死于九年之前。則從而哭之者。有侗焉。侗死于九年之後。則從而哭侗者。豈復有卿謀耶。此又

卿謀之幸而侗之不幸也。侗所以謂卿謀終不可死也。而竟死。嗚呼。慟哉。蘇子瞻云。惟有文爲不朽。與有子爲不死。雖富貴壽考之人。未必皆有此二者也。今卿謀湘中草。壓仙鬼才而上之。侗輩將授之剗劂。使相如賦稿。遍寫茂陵。孝綽文詞。流聞河朔。君家阿雄。雖在襁褓。頭角嶄然。侗輩將撫之成立。使子雲有後。玄草能傳。嵇紹不孤。廣陵如在。所謂不朽與不死。或在斯乎。然而身旣歿矣。一棺長閉。萬事都空。衛玉荀香。行就塵土。何有于遺楮殘編。及孩抱中物。所持爲卿謀慰者。惟有閨中人相從地下。吹簫雙去。仍上鳳皇之樓。舞鏡重開。永守鴛

鵲之塚。又爲紫玉青陵。增一佳話。卿謀其樂乎否也。而  
今而後。雖謂卿謀死可矣。雖然。豈卿謀所忍言哉。哀哀  
父母。堂上號矣。煢煢兒女。堂下啼矣。使卿謀聞之。當有  
相對泫然。洒牛衣之淚者。是卿謀必自謂不可死。而竟  
死。卿謀則天也。嗚呼。天真不可問耶。侗欲問天。所以死  
卿謀者。而不可得。則解之曰。內典云。慧業文人。應生天  
上。天殆愛卿謀。重卿謀。而遂奪人世之才。以自佐焉。長  
吉之玉樓。長源之瑤臺。曼卿之芙蓉城。子建之遮須國。  
皆古來才子。廻翔之地。天必設一座。以待卿謀。卿謀而  
念故人。肯留五城一片地。爲後來者卜居乎。則侗褰裳。

就之矣。嗚呼。慟哉。

再哭湯卿謀文

嗚呼。今日何日。歲行盡矣。又一日。則去年迎春日也。弟與兄聯袂東郊。薄暮飲于王子如武園。兄憶之乎。又一日。則去年春朝。卽小除也。兄偕子定過予亦園。池亭小酌。言笑極歡。更深始別。兄憶之乎。又一日。則去年除夕也。弟晤兄東舍。執手堦前。刺刺語移時。兄憶之乎。日月幾何。忽焉一載。椒花猶故。柏葉方新。風景不殊。斯人安在。兄去年除夕詩云。乞得樽前歡喜地。大家談笑接晨鐘。今竟何如。痛哉痛哉。弟自哭兄以來。腸斷淚枯。索索

無真氣。嘯歌已廢。筆墨都捐了。不吟一詩。填一詞。吳山  
半塘之間。春風油壁。夜月酒壚。向與兄登眺處。屐齒永  
絕。每當西風哀雨。木葉自飛。落日暮雲。孤雁嘹唳。搔首  
天末。悵然有美人未來之思。或把酒聽歌。當筵看舞。曲  
未一終。淚已三下。竟日兀坐。昏然若寐。卽對客亦不能  
強歡顏。夜間痛飲斗酒。始得半宵熟睡。至更漏將殘。曉  
鐘初動。伏枕輾轉。百感皆來。自念傷心如許。恐不永年。  
回頭猛省。又達觀一切。願勿爲有情物。槁木死灰。嗒焉  
喪我。大意已類枯禪。但未薙髮耳。昔人所云海內第一  
知己已去。復何心世緣。出門一望。帶甲滿天。極目風塵。

亦何樂居此。近一衲從天台來。說赤城華頂之勝。此心飄然已渡錢塘而南矣。所未得卽去者。塵心未盡。俗緣在耳。倘我志果遂。便當芒鞋竹杖。浪跡湖山。春猿秋鶴。可結終身。晨鷄暮鐘。庶証大道。他日者。三生石畔。鐵笛一聲。此弟與兄相見之日矣。興言及此。破涕爲笑。前戴子雲葉傳示泐師乩語云。先帝本青華帝君。兄卽侍書金童。此才人。生天公案也。平日與兄論李長吉石曼卿故事。輒爲色舞。今兄已先着鞭。且得與嫂氏攜手同歸。使青華府中更添玉女。其樂何極。靈牀一慟。于兄何有哉。故人之思不能已已耳。弟久不過西州門。今至舊廬。

入荒荒齋登南樓欄杆如故花藥依然主人何避客之  
深也物在人亡閒庭繫馬可勝悲哉雖欲如東舍晤兄  
時豈可復得所攜紙錢一束聊供兄三山五岳杖頭貲  
案頭草具村醕猶似生前羹飯兄其與嫂氏來共享之  
不知比亦園池亭之酒何如兄素量似公榮亦不敢強  
勸也痛哉痛哉